



MINISTERIO DI DESAROYO EKONÓMIKO

MISHON

Ministerio di Desaroyo Ekonómiko (MEO) ta duna direkshon na un desaroyo ekonómiko duradero pa nos pais. E meta prinsipal ta, pa por alkansá un kalidat di bida haltu pa tur habitante di Kòrsou. E ministerio ta logra esaki, dor di efektivamente antisipá riba desaroyonan sosial ekonómiko i internashonal, duna servisio optimal i hiba un strategia profundo. Ministerio di Desaroyo Ekonómiko ta responsabel pa entre otro, stimulá i sostené e mundu di negoshi lokal, saka pèrmitnan ekonómiko nesesario i sostené kontaktonan internashonal pa asina atraé invershonistanan ku por kontribuí na mas kupo di trabou.

STRUKTURA

Ministerio di Desaroyo Ekonómiko ta un di e 9 ministerionan ku ta forma parti di Gobièrnu di Kòrsou. Na kabes, tin un Sekretario General kende ta responsabel pa maneho diario di e ministerio.

Ministerio di Desaroyo Ekonómiko ta konsistí di e siguiente departamentonan:

- Inspekshon Ekonómiko
- Órgano di Maneho
- Sektor Empresarial
- Sektor di Desaroyo Ekonómiko i Inovashon
- Sektor pa Koperashon Ekonómiko ku Eksterior

INSPEKSHON EKONÓMIKO

Inspekshon Ekonómiko ta un departamento independiente ku ta kai direktamente bou di Minister di Desaroyo Ekonómiko. Inspekshon ekonómiko tin enkargo pa ehekutá servisio di 'Ijkwezen' i kontròl ekonómiko, ku e ophetivo pa frena inflashon i protehá merkado kontra kompetensia inhustu.

E tareanan di Inspekshon Ekonómiko (sekshon 'Ijkwezen') ta e/o:

- Kontrol di peso
- Kontrol di midí
- Kontrol di aparato ku ta midi i pisa pa uso komersial

E tareanan di Inspekshon Ekonómiko (sekshon Kontrol Ekonómiko) ta e/o:

- Kontrol di preis riba produktonan i servisio regulá pa Gobièrnu
- Kontrol riba kumplimentu di ordenansa pa estableimentu
- Kontrol riba orario di operashon di estableimentu

ÓRGANO DI MANEHO

E Órgano di Maneho ta e 'denktank' di Ministerio di Desaroyo Ekonómiko kaminda maneho ta keda desaroyá, monitoreá i evaluá. Órgano di Maneho ta antisipá i duna kontenido na e maneho ekonómiko duradero di nos pais tantu lokal komo internashonalmente. Esaki ta tuma lugá den estrecho koperashon ku i partisipashon aktivo di esnan enkargá ku ehekushon di e manehonan i 'stakeholdernan'. Aparte di esaki e Órgano di Maneho ta kondusí estudionan i análisis makro ekonómiko ku e meta pa haña un mihó bista riba e efekto nan makro ekonómiko di proposishonnan di maneho, posibel medidanan di partnernan di hasi negoshi i otro desaroyonan riba nivel internashonal. Ademas, e Órgano di maneho ta kondusí estudionan, tantu solisitá i no solisitá, relashoná ku proposishonnan di maneho i invershonnan ku tin konsekuensianan sosial-ekonómiko riba Kòrsou su ekonomia. Otro tareanan di e Órgano di Maneho ta, pa duna pronóstikonan ekonómiko tantu pa término kòrtiku komo término largu i sòru pa esakinan keda publiká.

SEKTOR EMPRESARIAL

E Sektor Empresarial ta sòru pa un klima empresarial faborabel ku ta stimulá i kontribuí na empresanan chikí i mediano.

Aparte di esaki, e sektor tin komo meta pa konsientisá i kapasitá (futuro) empresarionan, ya komo ku empresa chikí i mediano ta forma e wesu di lomba di ekonomia di Kòrsou.

Den e Sektor Empresarial tin dos departamento:

- Departamento di Kalkulashon di Preis & Sosten Empresarial i
- Departamento di Pèrmitnan Ekonómiko.

E departamento di Kalkulashon di Preis i Sosten Empresarial ta enkargá pa periódikamente kalkulá preis di entre otro produktonan di nesesidat primario (Makutu Básiko), búsanan chikí, taksi, remedi èts. Aparte di esaki e departamento ta duna tambe sosten na empresarionan i ta stimulá e espíritu empresarial dor di desaroyá programanan di insentivo. E departamento akí ta esun tambe enkargá pa otorgá un eksonerashon den kaso di importashon di webu i sierto fruta i berdura.

E departamento di Pèrmitnan Ekonómiko bou e sektor aki, ta evaluá i prosesá petishonnan pa entre otro un pèrmit di estableimentu, pèrmitnan di HORECA, 'directievergunning' i 'e-zonevergunning'.

SEKTOR DI DESAROYO EKONÓMIKO I INOVASHON

E sektor di Desaroyo Ekonómiko i Inovashon ta un sektor di implementashon dinámiko den e ministerio. E sektor akí ta sòru pa desaroyo di e diferente sektornan den nos ekonomia lokal i ta fortifiká nos infrastruktura ekonómiko. Stimulashon di inovashon i e pensamentu i espíritu

inovativo empresarial ta kana manera un liña kòrá den e inisiativanan di maneho, sosten na e mundu empresarial i otro sektornan ekonómiko.

E sektor aki tin diferente áreanan di di maneho bou di su responsabilidat manera por ehèmpel:

- *Ekonomia di Konosementu*
- *Inovashon, teknologia i digitalisashon*
- *Funshon di Merkado (bou di kua lei di kompetensia i protekshon di konsumidó)*
- *Energia*
- *Merkado Laboral (empleo)*
- *Kooperativa*
- *Desaroyo di sektornan di kalidat haltu manera sektor turístiko, sektor finansiero internashonal, sektor di ICT, sektor di logístika i marítimo, edukashon transnashonal, ekonomia sirkular i industria kreativo (partikularmente industria di sine).*

E sektor aki tambe ta sòru pa supsidio i kordinashon di trabounan di algun organisashon ku ta ehekutá produktonan bou di e áreanan di maneho di e sektor. Ta trata di:

- *Fair Trade Authority Curaçao (FTAC)*
- *Curaçao Tourism Development Foundation (CTDF/CTB)*
- *Curaçao Innovation & Technology Institute (CITI)*
- *Fundashon pa Konsumidó (FpK)*

SEKTOR PA KOPERASHON EKONÓMIKO KU EKSTERIOR

E Sektor pa Koperashon Ekonómiko ku Eksterior ta enkargá ku e Maneho Ekonómiko Internashonal i aktivamente ta stimulá merkado i invershon internashonal.

Tambe e sektor ta traha na promoshon di 'International Business' i 'Foreign Direct Investments'.

E sektor ta sòru pa un diplomasia ekonómiko efektivo pa asina promové e interesnan di e ekonomia di Kòrsou den su totalidat i en partikular empresanan ekonómiko relevante.

E terenonan di maneho di e Sektor pa Koperashon Ekonómiko ku Eksterior ta enserá

- *Polítika komersial;*
- *Diplomasia Ekonómiko.*

BO KE SA MAS?



+ 599 9 462 1444



Pletterijweg 43, Willemstad



@meocur